



Sarajevo, 09.03.2022.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE

PRIMLJENO: 09.03.2022.			
Organizaciona jedinica	Klasifikaciona oznaka	Redni broj	Broj priloga
01-50-1-15-28/22			

Vijeće ministara BiH, n/r predsjedavajućeg gđina Tegeltije  
Vlada Federacije Bosne i Hercegovine, n/r premijera Novalića  
Vlada Republike Srpske n/r premijera Viškovića  
Agencija za bankarstvo Federacije Bosne i Hercegovine  
Agencija za bankarstvo Republike Srpske

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20) postavljam sljedeće

### POSLANIČKO PITANJE

Javnost je iz medija mogla saznati kako su Entitetske agencije za bankarstvo preuzele upravljanje Sberbankom u BiH 27.februara 2022.godine.

Na isti način iz medija smo saznali da je već 01.marta ASA Banka kupila Sberbank BH u Federaciji BiH, a 02.marta Nova banka, u vlasništvu kompanije MG Mind iz Mrkonjić Grada, kupila je Sberbanku Banjaluka.

Želio bih jasno istaći kako potpuno podržavam pristup entitetskih agencija za bankarstvo koje idu u pravcu jačanja domaćeg bankarskog sektora. Međutim, ono što ne podržavam je potpuno odsustvo transparentnosti i eventualne nezakonitosti koje su iz ovako ekspresnog postupka mogle proizaći. Zbog toga bih želio da dobijem odgovore koji bi trebali rasvijetliti kompletan postupak koji je do sada bio obavijen velom tajne i samim tim baca sumnju na postupak kupoprodaje.

- Tražim od predsjedavajućeg Vijeća ministara da zatraži punu informaciju i izvrši uvid u postupak kupoprodaje u oba slučaja, te ukoliko posumnja u bilo kakve nezakonitosti da o tome izvijesti nadležno tužilaštvo.
- Tražim od entitetskih Vlada i Agencija za bankarstvo informaciju ko je donio odluku o prodaji i kome je uplaćen novac za kupovinu?
- Tražim od Vlade Federacije da izvrši uvid u postupak kupoprodaje i dostavi mi punu informaciju.
- Od Agencije za bankarstvo Federacije BiH tražim punu informaciju u kojem postupku i kako su došli do kupca, zašto je to bilo toliko hitno kad su već bili preuzeli upravljanje nad Sberbank BH, da li je u opciji uopšte bila UNION banka kao banka u većinskom vlasništvu Federacije, ako jeste zašto je eliminirana, ako nije zašto nije, te koja je kupoprodajna cijena postignuta?
- Posebno tražim da se Vlada Federacije i Agencija za bankarstvo Federacije izjasne da li je tačno da je dan nakon kupoprodaje ASA banka prodala obveznice Federacije, dio ili cijeli

iznos, koji joj je bio u posjedu, te da je jedan dio tih obveznica kupila UNION banka koja je u većinskom vlasništvu Federacije?

- Ako je to tačno da li je taj iznos približan iznosu cijene koju je ASA banka platila za kupovinu Sberbank BH, što bi praktično značilo da je Sberbanka kupljena vlastitim novcem uloženim u federalne obveznice?
- Kad je već došlo do kupoprodaje zašto Vlada nije tražila da UNION banka, kao banka u njenom većinskom vlasništvu, kupi Sberbank BH te tako praktično za iznos od 14,5 miliona koliko je navodno platila za dio obveznica postane vlasnik 50 miliona obveznica Federacije koliko je imala Sberbank BH?
- Tražim od Vlade Republike Srpske da izvrši uvid u postupak kupoprodaje i dostavi mi punu informaciju.
- Od Agencije za bankarstvo Republike Srpske tražim punu informaciju u kojem postupku i kako su došli do kupca, zašto je to bilo toliko hitno kad su već bili preuzeli upravljanje nad Sberbank Banja Luka, koje su još bile opcije prodaje, te koja je kupoprodajna cijena postignuta?

Očekujem da dobijem precizne odgovore jer u traženim podacima ne bi smjelo biti ništa što ne može biti dostupno državnim poslanicima i javnosti. Ukoliko za nešto smatrate da ima stepen tajnosti, molim vas da to označite.

Svakako očekujem da se u ispitivanje zakonitosti postupka kupoprodaje uključe i nadležna policijska i pravosudna tijela kako bi se utvrdila istina i skinula sumnja ukoliko je sve zakonito, odnosno poduzele odgovarajuće mjere protiv eventualnih počinitelaca krivičnih djela.

S poštovanjem!

*Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.*

Poslanik SDP BiH  
Nermin Nikšić

